

Broj: 01-01.3-11075-7/23 ŽB

Datum: 09.05.2024. godine

Na osnovu člana 70. Zakona o javnim nabavkama ("Službeni glasnik BiH" broj: 39/14 i 59/22 i preporuke Komisije za nabavku imenovane Rješenjem broj 01-01.3-11075-3/23 ŽB od 21.03.2024. godine konstatirane u Zapisniku o pregledu i ocjeni ponuda broj: 01-01.3-11075-6/23 ŽB od 08.05.2023. godine v.d. direktora ugovornog organa Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU
o poništenju postupka javne nabavke
u otvorenom postupku

I

Poništava se otvoreni postupak javne nabavke broj: 01-01.3-11075/23 ŽB za koji je objavljeno Obavještenje o nabavci broj: 266-1-2-35-3-120/24 na Portalu javnih nabavki dana 04.03.2024. godine, a koji se odnosi na pružanje usluga: „**Remont sistema kontrole pristupa u svrhu usklađivanja sa vatrodajavnim sistemima**“ u skladu sa članom 69. stav (2) tačka d) Zakona o javnim nabavkama ("Službeni glasnik BiH" broj: 39/14 i 59/22, u daljem tekstu Zakon) jer nijedna od primljenih ponuda nije prihvatljiva.

II

Ponuda ponuđača SYSTECH“ d.o.o. Sarajevo se odbija kao neprihvatljiva u skladu sa 68. stav (1) Zakona, jer ponuđač nije dostavio tražene dokaze kojima se dokazuje ispunjavanje uslova iz člana 50. Zakona i u skladu sa članom 68. stav (4) tačka i) Zakona jer ponuda nije potpuna i ne ispunjava zahtjeve iz tenderske dokumentacije.

III

U skladu sa članom 70. stav (6) Zakona Ugovorni organ će ovu Odluku objaviti na svojoj internet stranici: www.jpautoceste.ba. i to istovremeno upućivanjem Odluke ponuđaču koji je učestvovao u postupku nabavke.

O b r a z l o ž e n j e

Ugovorni organ je u skladu sa čl. 14. stav (1), 17. stav (1), 18. stav (1) i 25. Zakona pokrenuo otvoreni postupak broj: 01-01.3-11075/23 ŽB za pružanje usluga: „Remont sistema kontrole pristupa u svrhu usklađivanja sa vatrodajavnim sistemima“.

Na Portalu javnih nabavki objavljeno je Obavještenje o nabavci broj: 266-1-2-35-3-120/24 dana 04.03.2024. godine. Na osnovu Obavještenja o nabavci i tenderske dokumentacije zakazano je javno otvaranje ponuda dana 25.03.2024. godine u 10:30 sati u prostorijama JP Autoceste Federacije BiH d.o.o. Mostar, Adema Buća 20, Mostar. Komisija za nabavku imenovana Rješenjem broj: broj: 01-01.3-11075-3/23 ŽB od 21.03.2024. godine (u daljem tekstu: Komisija) je konstatirala da je ponudu dostavio 1 (jedan) ponuđač, što je konstatirano u Zapisniku o otvaranju ponuda.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda broj: 01-01.3-11075-6/23 ŽB od 08.05.2024. godine, koji je sastavni dio ove Odluke.

Ugovorni organ je u tenderskoj dokumentaciji i u Obavještenju o nabavci za predmetnu nabavku predvidio provođenje e-aukcije. S obzirom da zaprimljena ponuda nije prihvatljiva, e-aukcija se nije zakazivala.

Shodno prijedlogu i preporuci Komisije poništava se se otvoreni postupak javne nabavke broj: 01-01.3-11075/23 ŽB za koji je objavljeno Obavještenje o nabavci broj: 266-1-2-35-3-120/24 na Portalu javnih nabavki dana 04.03.2024. godine, a koji se odnosi na pružanje usluga: „**Remont sistema kontrole pristupa u svrhu usklađivanja sa vatrodojavnim sistemima**“ u skladu sa članom 69. stav (2) tačka d) Zakona jer nijedna od primljenih ponuda nije prihvatljiva.

Ponuda ponuđača SYSTECH" d.o.o. Sarajevo se odbija kao neprihvatljiva u skladu sa 68. stav (1) Zakona, jer ponuđač nije dostavio tražene dokaze kojima se dokazuje ispunjavanje uslova iz člana 50. Zakona i u skladu sa članom 68. stav (4) tačka i) Zakona jer ponuda nije potpuna i ne ispunjava zahtjeve iz tenderske dokumentacije.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda: 01-01.3-11075-6/23 ŽB od 08.05.2024. godine

v.d. direktora:

 **Denis Lasić**



Dostaviti:

- Ponuđaču koji je predao ponudu
- Web stranica preduzeća
- a/a



Broj: 01-01.3-11075-6/23 ŽB

Datum: 08.05.2024. godine

Ugovorni organ je pokrenuo otvoreni postupak za dostavu ponuda koji se provodi u skladu sa članom 25. Zakona o javnim nabavkama („Službeni glasnik BiH“, broj 39/14 i 59/22).

Sastancima prisustvuju sva tri člana komisije za nabavku imenovana Rješenjem broj: 01-01.3-11075-3/23 ŽB od 21.03.2024. godine.

U skladu sa članom 65. Zakona o javnim nabavkama, članom 18. Uputstva za pripremu modela tenderske dokumentacije i ponuda („Službeni glasnik BiH“, br.:90/14 i 20/15), članom 15. Pravilnika o javnim nabavkama JP Autoceste FBiH d.o.o. Mostar, br.: NO 1.01-3837-12/23 od 12.06.2023. godine, Komisija za nabavku imenovana Rješenjem broj: 01-01.3-11075-3/23 ŽB od 21.03.2024. godine, sačinjava:

ZAPISNIK O PREGLEDU I OCJENI PONUDA u otvorenom postupku javne nabavke

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Pružanje usluga: „**Remont sistema kontrole pristupa u svrhu usklađivanja sa vatrodoljavnim sistemima**“;
- c) **Evidencijski broj nabavke:** 01-01.3-11075/23 ŽB;
- d) **Vrsta postupka javne nabavke:** Otvoreni postupak;
- e) **Broj obavještenja o nabavci sa Portala javnih nabavki:** Obavještenje o nabavci broj: 266-1-2-35-3-120/24 objavljeno na Portalu javnih nabavki dana 04.03.2024. godine;
- f) **Datum početka pregleda i ocjene ponuda:** Komisija za nabavku imenovana Rješenjem broj: 01-01.3-11075-3/23 ŽB od 21.03.2024. godine (u daljem tekstu: Komisija) je počela da pregleda ponude 25.03.2024. godine;
- g) **Naziv i sjedište svih ponuđača, prema redoslijedu zaprimanja ponuda:**
 - 1. Ponuda ponuđača „SYSTECH“ d.o.o. Sarajevo zaprimljena 22.03.2024. godine u 08:40 sati, uredno zapakovana i obilježena;
- h) **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:**
 - 1. Ponuđač „SYSTECH“ d.o.o. Sarajevo je preuzeo tendersku dokumentaciju preko sistema „E-nabavke“. Ponuda ponuđača „SYSTECH“ d.o.o. Sarajevo je uredno zapakovana, obrasci čitko popunjeni, cijena bez PDV-a upoređena u obrascima Aneks 2 i Aneks 3, identična u oba obrasca.
Ponuđač „SYSTECH“ d.o.o. Sarajevo je ponudio cijenu u vrijednosti 11.975,00 KM bez PDV-a;
- i) **Procijenjena vrijednost nabavke:** 12.000,00 KM bez uračunatog PDV-a;
- j) **Analitički prikaz traženih i dostavljenih dokumenata na osnovu koji se utvrđuje postojanje li razlozi isključenja ponuđača:**

Red Br.	ANALIZA, PREGLED I OCJENA PONUDA	NAZIV PONUĐAČA
	„Remont sistema kontrole pristupa u svrhu usklađivanja sa vatrodajavnim sistemima“	„SYSTECH“ d.o.o. Sarajevo
a.	Kvalifikacioni uvjeti (uvjet/dokaz):	
1.	- lična sposobnost u skladu sa članom 45. Zakona o javnim nabavkama („Službeni glasnik BiH“, broj: 39/14 i 59/22, u daljem tekstu: Zakon): Uvjet: U skladu sa članom 45. Zakona, ponuda će biti odbijena ako je ponuđač: a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan; b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan; c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan; d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan. Dokaz: U svrhu ispunjavanja uvjeta iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;	+
2.	- sposobnost obavljanja profesionalne djelatnosti u skladu sa članom 46. Zakona: Uvjet: -pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona ponuđači moraju biti registrovani za obavljanje djelatnosti, koja je predmet javne nabavke. Dokaz: -u svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije;	+
3.	- tehnička i profesionalna sposobnost u skladu sa članom 50. Zakona: Uvjet: a) da ponuđač posjeduje uspješno iskustvo u realizaciji najmanje jednog (1) ugovora, čiji je karakter i obim isti ili sličan predmetu nabavke (ugradnja i/ili održavanje sistema kontrole pristupa s opremom proizvođača Anviz) u iznosu od minimalno 10.000,00 KM bez PDV-a u prethodne 3 (tri) godine računajući od datuma predaje ponude; b) da je ponuđač: I ovlašteni zastupnik od proizvođača Anviz (www.anviz.com) za ugradnju i održavanje uređaja za kontrolu pristupa i evidencije radnog vremena tog proizvođača; II ovlašteni zastupnik od proizvođača informacionog sistema Attendo (www.attendo.ba) za održavanje sistema kontrole pristupa i evidencije radnog vremena Attendo c) da ima na raspolaganju angažovano stručno osoblje za pružanje usluga koje su predmet nabavke i u čijem sastavu mora imati sljedeće tehničko osoblje: I. najmanje jednog tehničara elektrotehnike i II. najmanje jednog inženjera elektrotehnike Dokaz: a) Spisak izvršenih ugovora. čiji je karakter i obim isti ili sličan predmetu nabavke (ugradnja i/ili održavanje sistema kontrole pristupa s opremom proizvođača Anviz) u posljednje 3 (tri) godine računajući od dana predaje ponude, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Forma Spiska izvršenih ugovora data je u Aneksu 10 tenderske dokumentacije. Uz spisak izvršenih ugovora ponuđač je dužan dostaviti potvrdu (za najmanje 1 (jedan) uspješno izvršen ugovor – naveden u spisku izvršenih ugovora) u vrijednosti	+



	od minimalno 10.000,00 KM bez PDV-a, čiji je karakter i obim isti ili sličan predmetu nabavke (ugradnja i/ili održavanje sistema kontrole pristupa s opremom proizvođača Anviz), u posljednje 3 (tri) godine, računajući od datuma predaje ponude koju je izdao krajnji naručilatelj, a koja obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. Primjer forme potvrde dat je kao prilog Aneksa 10 tenderske dokumentacije. U slučaju da ponuđač nije u mogućnosti dobiti traženu potvrdu od strane krajnjeg naručilatelja, ponuđač je dužan dostaviti dokaz o izvršenim pokušajima pribavljanja potvrde, npr. poslati pisani zahtjev (iz koga će biti vidljivo kada je zaprimljen) prema krajnjem naručilatelju da izda takvu potvrdu. b) i c) Izjava ovjerene od strane ponuđača - da ponuđač ispunjava uvjet tehničke i profesionalne sposobnosti navedene u tački 7.4.1. b) i II. TD; - da ponuđač ima na raspolaganju zahtijevano kvalifikovano, stručno i iskusno osoblje u skladu s zahtijevom iz tačke 7.4.1 c) I i II TD; Izjava se dostavlja u formi utvrđenoj Aneksom 11 tenderske dokumentacije: Uz Izjavu se kao prilog dostavljaju sljedeći dokumenti: - original ili ovjerena kopija autorizacije, potvrde, certifikata, uvjerenja ili slično izdata od strane proizvođača Anviz (www.anviz.com) ili od strane ovlaštenog Importera da je ponuđač ovlašten za ugradnju i održavanje uređaja za kontrolu pristupa i evidencije radnog vremena; - original ili ovjerena kopija autorizacije, potvrde, certifikata, uvjerenja ili slično izdata od strane proizvođača informacionog sistema Attendo (www.attendo.ba) ili od strane ovlaštenog Importera da je ponuđač ovlašten za održavanje sistema kontrole pristupa i evidencije radnog vremena Attendo; - diplome za svakog predloženog člana	+ - + ++
4.	- Izjava o sukobu interesa čl. 52 Zakona (Aneks 7 ili 7.1 zavisno od slučaja tko potpisuje Izjavu)	+
b.	Ispunjenost uvjeta u pogledu dostavljanja svih potrebnih dokumenata prema sadržaju ponude:	
1.	Pravilno popunjen i potpisan Obrazac za ponudu čija forma je data u Aneksu 2 tenderske dokumentacije;	+
2.	Pravilno popunjen i potpisan Obrazac za cijenu ponude – usluge, čija forma je data u Aneksu 3 tenderske dokumentacije;	+
3.	Izjava o zajedničkoj ponudi ukoliko ponudu predaje grupa ponuđača;	n/p
4.	Kvalifikacioni dokumenti predviđeni tačkom 7. TD:	
	- Izjava o ispunjenosti uvjeta iz člana 45. stav (1) tačke a) do d), u skladu sa formom Izjave datoj u Aneksu 5; ;	+
	- ovjerene kopije dokumenata kojima ponuđač dokazuje ispunjenost uvjeta iz člana 46. (dokaz o registraciji ponuđača: izvod iz sudskog registra ili sl.);	+
	- Spisak uspješno izvršenih ugovora – Aneks 10; Potvrda o uspješno izvršenom ugovoru u skladu sa definiranim dokazima u tački 7.4.2 a) tenderske dokumentacije	++
	- Izjave o ispunjavanju uvjeta tehničke i profesionalne sposobnosti u skladu sa Aneksom 11 i prilozi Izjavi (tačka 7.4.2 b) i c) TD);	+ - + + +
	Izjava o sukobu interesa čl. 52 Zakona (Aneks 7 odnosno 7.1 zavisno od slučaja tko potpisuje Izjavu)	+
5.	Obrazac povjerljivih informacija, u skladu sa Aneksom 4 – ukoliko ih ponuđač ima;	+
6.	Potpisan i parafiran nacrt ugovora i dostavljena svaka stranica u sklopu ponude - koji je sastavni dio tenderske dokumentacije kao Aneks 6	nema pov.inf.
7.	Parafirana i dostavljena svaka stranica Tehničke specifikacije– Aneks 8	-
8.	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište ponuđača podnosilac ponude nema pečat	+
9.	Ponuda mora biti potpisana od strane zakonskog zastupnika ponuđača punim potpisom (zakonski zastupnik naveden u Izvodu iz sudskog registra ili Registraciji privrednog subjekta, obrativši pažnju na ograničenja) ili osobe ovlaštene od strane zakonskog zastupnika ponuđača sa pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača u sklopu Izjave o zajedničkoj ponudi;	+

10.	Popis dokumentacije koja je priložena uz ponudu (Sadržaj ponude).	+
c.	Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije	
1.	Uvezana u cjelinu /knjiga, obezbjeđena jemstvenikom/	+
2.	Ponuda napisana neizbrisivom tintom	+
3.	Pravilno numerirana ponuda	+
4.	Ponuda napisana na jednom od službenih jezika u BiH	-
5.	Dostavljena kopija ponude na mediju za pohranjivanje podataka	+
6.	Ispravke u ponudi	-
7.	Računske greške	+
8.	Izmjene/dopune ponude i odustajanje od ponude	-
9.	Izražena namjera podugovaranja	-
10.	Cijena ponude u okviru procjenjene vrijednosti	+
11.	Ispunjenost zahtjeva u pogledu opisa predmeta nabavke i tehničkih specifikacija	+
12.	Prihvatljivost ponude (da/ne)	NE

Objašnjenje oznaka: „+“ (da, dostavljeno/postoji, pravilno popunjeno/ ispunjava) „-“ (ne, nije dostavljeno / ne postoji, nije pravilno popunjeno/ ne ispunjava), „n/p“ (nije primjenjivo)

k) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

Ponuda ponuđača SYSTECH“ d.o.o. Sarajevo ispunjava kvalifikacione uvjete lične sposobnosti iz člana 45. Zakona; kvalifikacione uvjete sposobnosti obavljanja profesionalne djelatnosti iz člana 46. Zakona kao i kvalifikacione uvjete o sukobu interesa iz člana 52. Zakona dok ne ispunjava u potpunosti kvalifikacione uvjete tehničke i profesionalne sposobnosti iz člana 50. Zakona.

Naime, točkom 7.4.1 podtočka b) tenderske dokumentacije između ostalog zahtijevano je:

„da je ponuđač: *1. ovlašteni zastupnik od proizvođača Anviz (www.anviz.com) za ugradnju i održavanje uređaja za kontrolu pristupa i evidencije radnog vremena tog proizvođača;...*“.

Kao dokaz za ispunjavanje kvalifikacijskog uvjeta zahtijevanog točkom 7.4.1 podtočka b) tenderske dokumentacije ponuđač je bio dužan u skladu sa točkom 7.4.2 podtočka b) tenderske dokumentacije dostaviti uz Izjavu:

„... - *original ili ovjerena kopija autorizacije, potvrde, sertifikata, uvjerenja ili slično izdata od strane proizvođača Anviz (www.anviz.com) ili od strane ovlaštenog Importera da je ponuđač ovlašten za ugradnju i održavanje uređaja za kontrolu pristupa i evidencije radnog vremena...*“.

Uvidom u ponudu ponuđača SYSTECH“ d.o.o. Sarajevo, vidljivo je da je ponuđač u sklopu ponude dostavio certifikat izdat od strane „Anviz authorized partner“ na listu 12/39 ponude koji nije preveden ni na jedan od službenih jezika u Bosni i Hercegovini i ovjeren od strane stalnog sudskog tumača (pogledati točku q) Zapisnika) te kao takav nije razmatran.

Stoga, na osnovu navedenog jasno je da ponuđač nije dostavio „*autorizaciju, potvrdu, certifikat, uvjerenje ili slično*“ kako je zahtijevano tenderskom dokumentacijom što je u suprotnosti s točkom 7.4.2 podtočka b) tenderske dokumentacije gdje između ostalog jasno stoji: „... - *original ili ovjerena kopija autorizacije, potvrde, sertifikata, uvjerenja ili slično izdata od strane proizvođača Anviz (www.anviz.com) ili od strane ovlaštenog Importera da je ponuđač ovlašten za ugradnju i održavanje uređaja za kontrolu pristupa i evidencije radnog vremena...*“.

Shodno naprijed navedenom, Komisija će dati preporuku v.d. direktora ugovornog organa Javnog preduzeća Autoceste Federacije Bosne i Hercegovine društvo sa ograničenom odgovornošću da ponudu ponuđača SYSTECH“ d.o.o. Sarajevo odbije kao neprihvatljivu u skladu sa članom 68. stav (1) Zakona, jer ponuđač nije dostavio tražene dokaze kojima se dokazuje ispunjavanje uslova iz člana 50. Zakona i u skladu sa članom 68. stav (4) točka i) Zakona jer ponuda nije potpuna i ne ispunjava zahtjeve iz tenderske dokumentacije.

l) Prikaz traženih i dostavljenih garancija za ozbiljnost ponude, ako je traženo:

Ugovorni organ nije zahtijevao bankarsku garanciju za ozbiljnost ponude;



m) Podaci o pojašnjenju ponuda u skladu sa članom 48. stav (5) i 68. stav (3) Zakona:

Ugovorni organ nije tražio pojašnjenje ponude.

n) Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:

U ponudi nisu uočene ispravke;

o) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:

Ponuda ponuđača SYSTECH" d.o.o. Sarajevo ispunjava zahtjeve u pogledu opisa predmeta nabavke i tehničkih specifikacija, odnosno ponuđač je dostavio u sklopu ponude parafiranu svaku stranicu Tehničke specifikacije— Aneks 8;

p) Podaci o ispravkama računskih grešaka u ponudama ako ih je bilo:

Prilikom računске kontrole u ponudi ponuđača SYSTECH" d.o.o. Sarajevo je uočena računska greška u Obrascu za cijenu ponude - usluge (Aneks 3) i u Obrascu za ponudu (Aneks 2), ali od ponuđača nije tražena suglasnost za ispravkom računskih grešaka u ponudi jer ponuda ne ispunjava kvalifikacijske uvjete;

q) Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:

Ponuda ponuđača SYSTECH" d.o.o. Sarajevo, sadrži i formalno pravne nedostatke tj. ne ispunjava sve zahtjeve tenderske dokumentacije iz sljedećih razloga:

- Uvidom u ponudu ponuđača SYSTECH" d.o.o. Sarajevo, vidljivo je da je ponuđač u sklopu ponude dostavio na listu 12/39 ponude certifikat izdat od strane „Anviz authorized partner“ koji nije preveden na jedan od službenih jezika u Bosni i Hercegovini, te ovjeren od strane stalnog sudskog tumača što je u suprotnosti s točkom 8.1.3 tenderske dokumentacije u kojoj između ostalog stoji: „Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Štampana literatura, brošure, katalozi ili slično koje dostavlja ponuđač moraju biti prevedeni na jedan od službenih jezika u BiH“. ...“ i u suprotnosti s točkom 8.1.7 tenderske dokumentacije u kojoj je između ostalog stoji: „...Ako je neki dokaz ili dokument, koji se prilažu uz ponudu, na nekom stranom jeziku, isti mora biti preveden na jedan od službenih jezika u Bosni i Hercegovini, te ovjeren od strane stalnog sudskog tumača“. Na osnovu navedenog Komisija nije razmatrala dostavljeni dokument jer isti nije dostavljen na način kako je zahtjevano tenderskom dokumentacijom i Zakonom.
- Ponuđač je u sklopu ponude dostavio potpisan Nacrt ugovora (listovi 21-26/39 ponude), a isti nije parafirao, što je u suprotnosti sa zahtjevom iz točke 8.2.1 tenderske dokumentacije u kojoj između ostalog stoji da ponuda treba da sadrži: „...Potpisan i parafiran nacrt ugovora i dostavljena svaka stranica u sklopu ponude - koji je sastavni dio tenderske dokumentacije kao Aneks 6...“ i s točkom 9.9.2 tenderske dokumentacije u kojoj stoji: „...Prijedlog ugovora je uključen u Aneks 6 ove tenderske dokumentacije („nacrt ugovora“). Nacrt ugovora ponuđač potpisuje, te parafira svaku stranicu i isti prilaže u ponudi bez obaveze popunjavanja ostalih dijelova ugovora, čime potvrđuje da prihvata elemente sadržane u nacrtu ugovora. Ako ponuđač ne potpiše nacrt ugovora i ne parafira svaku stranicu te isti ne dostavi u ponudi, smatrat će se da se ne slaže s prijedlogom istog. U tom slučaju, ponuda ponuđača će biti odbijena na osnovu člana 68. stav (4) tačka i) Zakona ...“.

Shodno naprijed navedenom i razlozima navedenim u točki k) ovog zapisnika, komisija će dati preporuku direktoru Javnog poduzeća Autoceste Federacije Bosne i Hercegovine društvo sa ograničenom odgovornošću da ponudu ponuđača SYSTECH" d.o.o. Sarajevo odbije kao neprihvatljivu u skladu sa članom 68. stav (4) tačka i) Zakona jer ponuda nije potpuna i ne ispunjava zahtjeve iz tenderske dokumentacije.

r) Razlozi za odbijanje ponude zbog neprirodno niske cijene:

Nije primjenjivo;

s) Analiza prihvatljivih ponuda prema kriteriju za izbor ponude:

Kriterij za dodjelu ugovora je „najniža cijena“.



Nije primjenjivo, jer je ponuda neprihvatljiva;

- t) **Provođenje e-aukcije u skladu sa Pravilnikom o uslovima i načinu korištenja e-aukcije ("Službeni glasnik BiH" broj: 80/23):**

Ugovorni organ je u tenderskoj dokumentaciji i u Obavještenju o nabavci za predmetnu nabavku predvidio provođenje e-aukcije. S obzirom da zaprimljena ponuda nije prihvatljiva, e-aukcija nije zakazivana.

- u) **Rangiranje prihvatljivih ponuda prema kriteriju za izbor ponude:**

Nije primjenjivo, jer je ponuda neprihvatljiva;

- v) **Naziv ponuđača čija je ponuda ocjenjena kao najpovoljnija i sa kojim ugovorni organ namjerava zaključiti ugovor o javnoj nabavci i razlozi za njegov izbor:**

Nije primjenjivo;

- w) **Podaci o dijelu ugovora koji se daje u podugovor i podaci o podizvođaču:**

Nije primjenjivo;

- x) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:**

Nije primjenjivo.

- y) **Datum završetka postupka pregleda i ocjene ponuda:**

Komisija je završila pregled i ocjenu ponuda dana 08.05.2024. godine;

- z) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:**

Komisija jednoglasno daje prijedlog v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar da donese Odluku:

- o poništenju postupka javne nabavke za pružanje usluga: „**Remont sistema kontrole pristupa u svrhu usklađivanja sa vatrodojavnim sistemima**“ u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.
- da se ponuda ponuđača SYSTECH“ d.o.o. Sarajevo odbije kao neprihvatljiva u skladu sa 68. stav (1) Zakona, jer ponuđač nije dostavio tražene dokaze kojima se dokazuje ispunjavanje uslova iz člana 50. Zakona i u skladu sa članom 68. stav (4) tačka i) Zakona jer ponuda nije potpuna i ne ispunjava zahtjeve iz tenderske dokumentacije.

- aa) **Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Brigita Šunjić, predsjednik komisije

Žana Boban, član komisije

Rijad Pajić, član komisije

Za sekretara Komisije imenovana je Lejla Redžić;

- bb) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**

- Ovaj Zapisnik nema priloga.



Saglasan:

Denis Lasić
v.d. direktora

